

新滕鎮志卷十四

里人朱士楷仿枚纂輯

甥沈錫爵夢松校刊

人物 耆瑞

明

莊純字建溪秀水庠生自莊家宅徙青鎮性嚴重寡言笑一鄉推重桐令陸枝旌以匾曰天培頤德當八秩有六遇一異人至門與言世外事心竊奇之語久忽云後十年期以子會飄然而去由是年幾期頤絕無龍鍾態萬曆癸丑年九十六於中秋後四日聞空中呼名語曰是相約之期矣遂命沐浴更衣至亭午怡然而終 烏青文獻

清

王廷佐字仲卿祖約齋自蘭溪宦遊江南移家樵李廷佐國初至鎮遂家焉棄儒業醫活人甚衆年九十無疾而逝子之鼎字武九太學生性慷慨好施與藉以舉火及婚嫁者無吝色久而不厭里

新滕鎮志

卷十四 耆瑞

中稱盛德者必首推之

新溪詩鈔參
郊居詩話

沈思曾字魯賢鬻於市而喜吟詠審音律工詞曲持躬謹飭遇人必以禮人亦咸重之宅近市治一室暇則竹爐茗椀善談論友朋沓至座無虛日年八十五而終子洪疇亦能詩精折肱善寫照 郊居

詩話

婁承康字安生世居步姑浜康熙間歲祲屢捐粟設粥以食餓者旱疫則手丸藥以療之鄉人某將鬻其先世之墓地於人承康憫之以金購其地而誡子孫永保之夜夢老人來謝曰吾子孫不肖賴君保骸骨陰德甚大當大壽年九十無疾卒 伊府志

人物 隱逸

元

邵允中字貞四原籍餘姚臨安廣文元末避亂居秀水新塍鎮西竹籬茅舍自題其居曰芝庭趙子

昂書兄弟八人因亂散處友愛不稍懈長水閭真為立傳

吳府志

明

馮瑗字伯玉明諸生心極靈生平無夢寐博覽典籍目一過終身不忘然拘方太甚每遇新菜試牘

輒購歸不展閱俟風烈乃攜往馬涇墓道登樓坐誦畢即應手拋擲不遺生平著述脫稿即投於

火或散步田間遇暴雨必徐步歸衣巾如濯弗顧焉晚歲家益落逋國賦多金縣尹李公見龍逮

至予杖既而知為生員則瞿然曰何不早告為清釐虛糧百畝以全其家

馮浩橫塘紀聞

顧繁字龍泉嘉靖時貢生隱居里閭教授生徒多成就范應期朱國祚兩殿撰皆出其門

新溪雜詠小序 楷

案伊府志繁作
槃順天經魁

清

新塍鎮志

卷十四 隱逸

一

卜休字人木少孤十歲能詩賦經史過目不忘既長博極羣書雖裨官野記及方策藏典靡不研究

善談論與人辨古今治亂得失獨抒己見不少阿附家極貧晚喪子每隆冬風雪灑窗擁敗絮從

容展卷恬如也詩宗唐音弟子李元繡收其稿

陳梓文集

李敏芬字維馨舊居濮水嗣奉母居新城百歲坊顏其室曰澹齋讀書稽古無諸子以義方田一頃

視歲之所入除稅與膳給外悉以易書而手自寫本凡三文許生平慎著述謂多讀書則愈見其

難不敢輕下筆涉獵岐黃然絕酬應曰學醫人費勿敢嘗也仲子元繡別有傳

新溪詩鈔小序

張鴻字遵渚隱居九里村教授生徒皆知名士姪楨字端士亦力學敦行

吳府志

人物 藝術

明

張鳴岐居謝洞里善製銅為爐無不精絕項墨林見而異之招居郡城名大著

池北偶談參新溪雜詠小序

明

馮蘊古生明季穎悟絕倫順治初忽習醫卜之術嘗出遊歲終而返人未之奇也康熙壬戌春遍詣

戚屬拜別云當於八月八日辭世遂自營窀穸及棺槨衣衾衰麻之類并與僧道雜役訂期先予

之值人疑其癩至七月果病如期而歿人遂競傳蘊古為仙僧道各工咸返其值而効力有加焉

橫塘

紀聞

沈江字岷源官太醫院以母疾告歸貧者延之輒徒步往遇疑難症每中夜不寐設法治之善自修

養晚號抱元子預知死期與親友訣別沐浴而逝著有奇症滙等書

伊府志

張雍敬字珩佩號簡庵秀水布衣家新塍鎮善草蟲布署花草本宋人勾染法工細多致工制舉文

不遇精究天文歷律之學著定律玉衡十八卷始與吳江王寅旭相稽考繼證之宣城梅定九竹

新塍鎮志

卷十四 藝術

三

坵朱氏序之其宣城遊學記稼堂潘氏序之皆極推重詩有環愁草靈鵲軒等集畫筆其餘技也

然猶工細若是可知其學之專者矣

張庚國朝畫徵續錄

朱英武名德昌以字行年十六忽不知所往數載歸精太乙壬遁之術嘗授徒陳氏盜夕至英武以

術禦之盜自相殺而退後夜遇賊於荒塚間突出戮以鎗傷鼻人因呼為朱爛鼻居新塍鎮不娶

不如葦灌園圃終其身外戶或不閉有竊其園蔬者迷不得出則慰而與之英武與人談必勸以

孝友求其術不答或於人定時窺之見其端坐掐訣以手指巽方隱隱聞雷聲年八十無疾卒卒

之頃出白金三十兩付其鄰曰待我嗣子來與之翌日未殮嗣子至鄰出所付金而匿其三之一

忽張目曰何不盡與之及舉棺棺若空人以為尸解云

伊府志參吳文溥南野堂筆記

陳德華字容大始祖宋高宗詔醫康后獲效賜宮掌扇以便出入禁闈由是刻木為記數傳至謝表

字左山萬曆中卜居嘉興至皂林風阻不前吹泊康涇問之則桐鄉也因占籍縣市醫名噪一時

為女科冠新塍一支亦左山裔也德華能世其業有回生起死之功四方就醫者門庭如市至今

人呼陳木扇云

新塍瑣志參桐鄉李志

黃石字秋浦居謝洞里善丹青著色五六十
年不變山水仿陳白陽家慕貧以筆墨自給故所畫皆佛像弔挂僧道家爲多

陳其殷字拜璜一字竹人居福德坊之祥里畫蘆雁如生金石文蒼古而秀詩亦清雅後館姑蘇范

氏歿後詩集篆刻墨蹟有珍藏之者

以上新溪雜詠註

朱廣陽住園田挾富貲膂力過人延計彥如爲師計得少林派無嗣老於朱氏故廣陽盡得其傳嘗

以一掌臂牌坊柱石立斷人呼爲朱石柱云

屠粉新溪人物備攷

吳履字竹虛晚號苦檫頭陀居山高墩地多瓦礫故又號瓦山少不甚知書壯遊山左歸能詩多奇

句字學鄭板橋精篆刻工繪事涉筆蕭遠不落前人科臼尤長於畫竹然頗自矜重人不當意者

雖遺以多金不能得其片紙嘗作背立圖謂我看不得人人亦看我不得其玩世傲物如此唐陶

山方伯爲梓其遺詩得二十五首甥李燦字小竹得其傳亦以丹青名

新勝瑣志

楊培立字初略一字春隄芸客嗣子布衣工詩兼善書畫幼家貧讀論語半部即依人學賈流離轉

徙以先世遺書自隨暇即挾册坐誦既與其友董樂園從方樗齋遊日事臨摹所詣益進後客梅

新勝鎮志

卷十四 藝術

四

溪濮承鈞家濮故多藏名人書畫喜培立精賞鑒培立亦樂得資聞見遂移居溪上作畫自娛其

臨摹古人用意處不求貌似年五十餘卒著有春隄詩稿

續新溪詩鈔小序參墨林今話

沈錦字畫堂紅墩人善畫尤長於工細人物筆致生動頗似費曉樓晚年之作

高燿字次愚號不危馬涇人善畫梅兼工花卉翎毛有梅窗讀書圖名流題詠殆遍

以上新纂

鄭爲章字倬雲桐庠生喜繪事自以其意寫動植諸小品亦點綴有生趣後得元人百鳥圖幅用雙

鉤法自是作爲花鳥草蟲悉以雙鉤出之設色絢爛迴異凡手聲價重一時詩筆亦韶秀可愛

鄭氏

數典錄

人物 寓賢

明

倪長圩字伯屏當湖人讀書新塍張墩崇禎丙子鄉試第一旋第進士授蘇州推官抑豪強鋤奸猾與太守陳洪謐恩威互濟士民立雙清書院祀之署嘉定知縣有惠政民為建報德祠轉兵部主事甲申落職後補武選司主事乞休乙酉聚土兵為守禦計未幾縣城破乃薙髮為僧入奉化山

中 江南通志參
嘉禾徵獻錄

清

沈起字仲方明末諸生有文名與海昌孝廉查繼佐稱莫逆交說經不沿傳註每自出意解聞者解頤嘗擬撰明書謂明不亡於流寇而亡於廠衛自成化十二年秋始至設西廠止靜志居詩話 參吳府志甲

申五月遽聞北變時方臥病即痛哭不欲生稍瘳避地過東禪寺慨然賦詩四章遂息志於此皈

天水禪師而薙髮焉因改名銘起字墨庵性愛遊居無常處所至自携一囊囊中皆秘錄也康熙

壬戌七月十六日示微疾起而沐浴更衣索筆自書銘起墨庵之位遂逝黃容遺民錄

新塍鎮志

卷十四 寓賢

五

丁元公字原躬一字天山道人斐亭詩話居謝洞新溪雜詠小序性孤潔與俗多齟齬畫兼山水人物老而秀

而不纖能詩精繆篆詩有奇氣不屑作庸熟語其胸中有不可一世者靜志居詩話 參畫徵錄晚從牧雲禪

師為僧名淨淨號願庵國朝禪林詩品嘗遍訪歷代佛祖高僧真容始自西竺大迦葉尊者迄明季蓮

池大師繪為巨冊而各識其事蹟於後昭代名人尺牘小傳

陳梓字俯躬號古銘餘姚人父選勳字碩公有藍染齋集兄櫟字夔一有故鄉草古銘隨父兄作寓

公於濮院鎮後遷居新塍南鄉之金家花園舉止方正出劉念臺先生門下雍正甲辰舉孝廉方

正不就又舉博學鴻詞上書力辭私淑張楊園為之重訂年譜原稿藏問松里鄭氏清貽堂又撰四書質疑以

教授學者通六書作草字學懷素小楷用意處乃絕古雅晚年無子歸老故鄉學使雷翠庭為其

受業弟子嘗以紙鳶詩寄之雷讀之心動即日移疾去古銘詩與北地李隱君錯齊名有南陳北

李之號桐鄉嚴志參新塍瑣志

徐保字字阮鄰歸安人順義知縣鄭熙之外孫也家貧育於外氏為人儻有大志嘉慶丁卯中副

車戊辰膺鄉薦以大挑知縣需次甘肅屢掌制府記室為盧厚山長懋亭楊時齋瑚淡如諸宮保

所倚重而那繹堂尙書尤器之嘗隨尙書安插野番備歷險巇走檄飛章往往得之馬上尙書顧而笑曰阮鄰才子抑壯士也由平羅縣升平涼同知署慶陽平涼知府歷官所至凡學校保甲水利農田應興應革之事無不具舉解組歸仍僑寓問松里鄭氏後乃於烏西故宅旁營構數椽爲菟裘以娛老其不忘本如此著有抱碧堂集平羅紀略阮鄰自訂年譜行於世

新溪文述

鄒翊祚字樸夫貢生家小鹽倉橋館新塍許氏三十餘年咸豐十年粵逆踞禾城是秋賊掠新塍猝與翊祚遇索金不得鞭背令跪祚大呼曰我老且死可殺不可辱賊怒將刃之有代求者得免迨同治紀元江蘇大軍至攻郡城急湖州賊來援不敢進踞新塍大肆搜掠翊祚被擄罵賊不屈死無嗣著述多散佚

嘉興趙志

許氏宗祠另立栗主以祀之弟子許翥蘇搜輯殘稿序藏於家

鄒瑛字衣岡嘉興人僑寓新塍人物取法曉樓饒有秀韻

余楸字嘯松籍休甯祖佐瑤業齋寓郡遂家梅里楸成讀父書善岐黃術新塍留嬰堂延種牛痘歲必僑寓數月嘗採輯里中掌故成新溪權歌百首行世子霖以嘉興籍中光緒二十八年舉人

以上

新纂

新塍鎮志

卷十四 寓賢

六

方外

宋

李道人嘯雲挾奇術咸淳初雲水至新城居歲餘為人施符水祛穢治病輒應人咸異之里人馮一作

楊伯六捨地遂建福德道院兵元聲碑記

文長老佚其名蜀眉州人住秀州本覺寺蘇文忠三度過訪皆留詩末有三過門前老病死之句後

人因立三過堂勒詩於石至元志秀州本覺寺一長老少盖有名進士自文字語言悟入至今以筆

硯作佛事所與游皆一時文人東坡志林

伊府志案至元志有文及翁字時敏號本心宋末蜀人來守嘉興嘗追和東坡三過堂第一首韻柳志趙圖記俱誤為文長老詩於是以郡守之姓名移作長老之姓名樵李詩繫等書遂謂文及翁字

本心住秀州本覺寺即以文長老誤矣

本誠一作本成又名文成字道原號覺隱嗣法於陵虛谷與天隱笑隱友善世號三隱案吳府志誤以三隱為本

誠至正間住嘉興興聖本覺二寺姚綬作記稱其善書畫寫竹有掀簾之態有文集行世至正七

年嘉禾城西有烏數千營巢於地圍八尺崇五尺未幾大盜弄兵海上紅巾繼起本誠著烏城誌

新塍鎮志

卷十四 方外

七

五百餘言宋濂愛其文刪之以附集中樵李詩繫

明

月亭禪師嘉靖隆慶間與張文忠陸光祖共刻五燈會元等書既成購得東禪寺殿左隙地建法雲

堂以藏之月亭遂住錫焉因罄鉢資置田三十畝捨地本堂永為守僧齏粥之費陸光祖有記

行鑑字孤雲姓宋初不識字義出家於能仁寺給樵汲役適費隱和尚過使參禪忽大悟並能詩即

付拂焉後歷金粟福原黃山諸名刹有人自武林來遇費師問何往曰到天台問何獨往曰孤雲

就在後面是日孤雲對衆曰吾師見招與衆別即坐化於福原寺伊府志

瑣志按孤雲鎮西南十餘里宋番廟人愚甚不識一丁日被妻凌鑠逃于能仁寺之樂隱房歿後有像塑於寺中答友詩云傍溪結箇小茅庵高挂瓢囊已罷參折脚鐘邊睡一覺不知松月落寒潭

僧能字宏道俗姓沈少孤披剃於精嚴寺雲隱房受內典即默有見解及長通儒書工文詞武原士

大夫慕其名延主資聖方丈受學者甚衆歸後隱於精嚴寺後主東禪講寺得衣鉢者大雲慧順

慧倫等俱有戒律汪雲宏上人傳

沈道甯字野雲宋番廟人曾居新水庵少遇異人得奇術一日偶書一符忽金甲神從空而下問有

何事時在廁中神即頭上一指而去所指處即爛至老不愈如人患瘡毒以頭上膿水抹之即愈
今稱沈爛頭無不知之棲息無定所惟好酒遇小兒輩書風雲雷雨賣之以爲酒資一日上元夜
看燈有言揚州燈甲天下野雲即以手帕同衆人立於上令閉目忽聞風雨聲曰至矣聚觀無失
邀衆同歸有不信者乞食而歸仁宗封爲至道高士賜三品誥命及湛然純一圖書後卒於毓秀
道院有書藏鎮西前珠廟板中潯溪董韋如取去

新溪雜詠註
參新溪文鈔

沈嵩高字嵩隱秀水象賢鄉人幼從蔣大方學五雷法居清真觀爲道士成化間郡大旱知府徐霖
召嵩高用虎骨擾潭不旋踵大雷雹雨露足霖喜以詩謝之又范教諭官舍晨夕空中拋擲瓦礫
嵩高曰此土怪温元帥掌之書二符與之即止其他治病伏邪多驗姚御史綬爲作傳

劉府志

清

行圓姓高原名時英明季諸生工書畫康熙初歲饑散家貲周里黨年五十二忽棄家遊普陀剃度
爲僧其子訪尋遇於金陵天龍禪寺勸歸不許一日徧告衆僧示寂口吐白蓮數朶後茶毘時見
火光中復湧蓮不絕子抱骨歸築塔於藏錫庵之西

伊府志

新塍鎮志

卷十四 方外

八

滄溟武林人俗姓張本明諸生後皈依伴我

名淨
呂

和尚名智滿居市南陳園更名天香庵海鷗以師

禮待之經書疑義每諮訪焉詩又亞於秋潭而書之結構緊嚴過之年幾六十卒於南潯之極樂

庵至今隻字人珍重之

赤脚和尚江西人康熙初乘桴來鎮居東南七里大佛寺廢基赤雙足年五十餘歲不明佛事人問
其居址姓名總不答精堪輿臆月爲人點穴亦赤脚立冰雪中故鄉人稱爲赤脚和尚呼之亦應
六十後覓本地一人爲徒取一婦與之相依而終身焉

活埋和尚不知何許人自言覺浪禪師法嗣順治初年居下水庵又遷鎮西馬家浜住幾七十餘年
後不知所終

癡和尚鎮西北六里白石王廟人俗姓計平日赤雙足念佛口不停聲初居雲居庵惟能收供言語
甚戇形亦古怪有施錢與蒲鞋者即轉與貧人每入市逢人輒拜年幾六十卒於白石廟卒前三
四日遍別所知臨期送者數千人

臥雲子名海鷗字閒若俗姓李苕溪名家子脫白於能仁寺樂隱房後游包山時釋柯庵居顯慶寺

名重四方獨喜閒若強付法焉歸後益肆力於詩古文辭教授生徒至老不倦手不釋卷如松陵潘太史慈溪裘太史皆樂與之遊雍正五年卒年八十二葬寺南之祖塋

德山字蔚蒼又號留雲子俗姓陳爲臥雲子高弟出家於能仁寺清遠房精通教典兼擅詩文大有出藍之譽後以養母陸氏別築室於溪南色養備至幾三十年遂自號婆羅林主人母卒仍返本山

圓自字月恒又號懶雲亦臥雲高弟詩極豪宕有自怡集栽花種草日耽筆墨又號灌園老人焉德宏字嶽嵩俗姓畢住鎮北地藏庵爲人真率能詩書學懷素終年不入市井人有未識其面者

汝鐙字白華長洲人俗姓金名鐙或以爲聖歎子因眞髻而住珠林終日止于一隅不逾戶限客有訪者至再三乃見書法右軍詩有根柢詠雁字五七律上下平各三十首講內典剖析毫芒稱爲

自然法師與眞髻居三十年卒於唐宋港之藏錫庵

以上新溪詠雜註

慈航湖廣人嘗欲募建一佛殿計費三千金立願化一不化二有大賈許二千不受後來鎮里人於朱庵浜構一茅篷居之一日召相知別曰吾去矣端坐而逝臨逝作偈曰來時山頭翻白浪去時

新塍鎮志

卷十四 方外

九

海底起紅塵有人會得其中意直教日午打三更

邵棠新塍志略

眞髻字曉滄雲南人一瓢至鎮居珠林院院距鎮里許數爲盜衆往來行脚僧恆不敢信宿眞髻獨

居方丈勇武絕倫盜爲遠避

新溪文鈔

文峰字性恬號笑溪俗姓徐震澤梅堰人七齡脫白於里之顯忠寺資性聰穎詩有警句吳枚庵嘗

選入卯須集究心內外典傳燈語錄諸書年四十一得法於秀水能仁寺道融禪師旋即主其席

開三壇戒緇流接踵大闡宗風著有如山居未悟編

震澤王之佐傳畧

行傑字古雲姑蘇楊氏子嘗授學於牧雲牧雲居嘉興之梅會里朱竹垞先生方丈記稱其安禪賦

詩蕭然物外者古雲得其傳年十八通三乘歷主天甯眞如棲眞古南及潤州鶴林興福諸院事

順治十八年自古南退院遂卓錫於鎮西之般若庵有語錄

吳府志參新溪詩鈔

達鑑字可聞號鈍隱秀州新塍卜氏子生具夙慧及長好讀嗜詩畫所居室曰雲塢

茗門鑪香日惟閉椀枯坐間與

二三名流討經史味禪悅
興到則吟詩作畫以爲樂
後示寂壽生寺有雲塢詩存

許府志引攜李詩繫續

果律字守儀本鎮人出家栴林之永馥庵安禪課誦與世寡諧而喜與文士游茶竈筆牀相對不厭

是亦方外中之矯矯者以禪家不習綺語詩不留稿年七十三圓寂

祖嵩字雲傳吳江人出家溪西之般若庵性靜默不妄交遊於庵之東偏葺一室題曰片石居禪誦之餘臨池賦詩澹然自得徒孫慈言猶能嗣響

印誥字麗雅號蘧莊太平府人主能仁寺方丈工詩沈莘士稱其詩多涉禪語喜其自然流出一氣渾成使白家老嫗聽之亦能解者

眞見字再梅震澤人出家能仁寺詩學二雲有能詩者至極意歎洽酒槍茗椀嘗達旦不倦著有寄閒山房詩草其弟子湛原善書沙門中獨冠一時

傳發字濟洪吳江人脫白於能仁寺學詩於臥雲受法於蘧莊主金陵之攝山棲霞寺十載詩益工有環清攝山二詩集弟子鏡涵選刻行世

傳巖字毅安號確庵震澤人爲能仁寺主持蘧莊之法嗣嘗主金陵清涼寺性靜默不妄言笑蕭然一室瓶拂之外多儲古書法帖著有石城集

以上新溪詩鈔小序

諦海字徹微松陵人出家能仁寺環清堂善吟詠有讀書樓牘稿桐鄉柴石泉頗賞其詩師弟海觀

新勝鎮志

卷十四 方外

十

字沉懷一字秋濤吳江人亦善詩同里鄭喬阪吳竹虛皆與酬唱

施魁字元杓號寓癡自幼受正一法練真於溪東之雨金宮道行修潔爲衆皈依性喜吟詠凡文人所至無不交結焉

以上參續新溪詩鈔小序

定向吳子昌嫂婢也同主母祝髮朝夕禮斗念佛後獨居一庵召里人與訣而逝聞有舍利云

邵棠新勝

志略